



საჯარო სამართლის იურიდიული პირი ილიას სახელმწიფო უნივერსიტეტი



ბრძანება

ქ. თბილისი

N 971-03

18/07/2024

ილიას სახელმწიფო უნივერსიტეტში 2024-2025 სასწავლო წლის შემოდგომის სემესტრისათვის სამაგისტრო პროგრამებზე მიღების გამოცხადების, სწავლის გაგრძელების მსურველთა რეგისტრაციის ვადების, საუნივერსიტეტო გამოცდების თარიღებისა და წარმოსადგენი დოკუმენტაციის შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, 56-ე მუხლის პირველი პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების მე-18 მუხლის პირველი და მეექვსე პუნქტების, საქართველოს განათლებისა და მეცნიერების მინისტრის 2009 წლის 22 აპრილის №227 ბრძანებით დამტკიცებული „სამაგისტრო გამოცდების ჩატარების დებულებისა და სახელმწიფო სასწავლო სამაგისტრო გრანტის განაწილების წესის დამტკიცების შესახებ“ 29-ე, 30-ე მუხლების, 32-ე მუხლის 1-ელი, მე-2, 2¹ და მე-3 პუნქტების საფუძველზე, მეცნიერებათა და ხელოვნების ფაკულტეტის დეკანის 2024 წლის 8 ივლისის N12068-35 სამსახურებრივი ბარათის, საბუნებისმეტყველო მეცნიერებებისა და მედიცინის ფაკულტეტის დეკანის მოვეალეობის შემსრულებლის 2024 წლის 9 ივლისის N12080-35 სამსახურებრივი ბარათის, ბიზნესის, ტექნოლოგიისა და განათლების ფაკულტეტის დეკანის 2024 წლის 8 ივლისის N12042-35 სამსახურებრივი ბარათის, სამართლის სკოლის დეკანის 2024 წლის 4 ივლისის N11878-35 სამსახურებრივი ბარათის, ილიას სახელმწიფო უნივერსიტეტის ხარისხის უზრუნველყოფის სამსახურის უფროსის 2024 წლის 18 ივლისის N12637-35 სამსახურებრივი ბარათის გათვალისწინებით

გზრძანებ

- გამოცხადდეს მიღება 2024-2025 სასწავლო წლის შემოდგომის სემესტრისათვის ილიას სახელმწიფო უნივერსიტეტის სამაგისტრო საფეხურის ამ ბრძანების დანართში მითითებულ პროგრამებზე შესაბამისი პირობებით;
- 2024-2025 სასწავლო წლის შემოდგომის სემესტრში ილიას სახელმწიფო უნივერსიტეტის სამაგისტრო საფეხურზე სწავლის გაგრძელების მსურველმა მაგისტრანტობის კანდიდატებმა, გარდა მეცნიერებათა და ხელოვნების ფაკულტეტის სამაგისტრო პროგრამისა: „ცოცხალი თეატრის ხელოვნება: დადგმა და თამაში“ ელექტრონული რეგისტრაცია უნდა გაიარონ 2024 წლის 12 აგვისტოდან 30 აგვისტოს 18:00 საათის ჩათვლით, რეგისტრაციის ბაზის საშუალებით, შემდეგ ბმულზე:
<https://argus.iliauni.edu.ge/ka/registration/masters>
- დაევალოს მეცნიერებათა და ხელოვნების ფაკულტეტის დეკანს, გამოსცეს ბრძანება სამაგისტრო პროგრამაზე: „ცოცხალი თეატრის ხელოვნება: დადგმა და თამაში“ სწავლის გაგრძელების მსურველთა, ამ ბრძანებისგან განსხვავებულ ვადებში რეგისტრაციის, საუნივერსიტეტო გამოცდების თარიღების, წარმოსადგენი დოკუმენტაციისა და სხვა პირობების დამტკიცების შესახებ არაუგვიანეს 2024 წლის 25 ივლისისა.
- ამ ბრძანების მე-2 პუნქტით განსაზღვრულ რეგისტრაციის ბაზაში შეყვანილი მონაცემების სისწორეზე პასუხისმგებლობა ეკისრება მაგისტრანტობის კანდიდატს;
- ფაკულტეტების/სკოლის დეკანებს დაევალოთ, 2024 წლის 2 აგვისტოს ჩათვლით გამოსცენ ინდივიდუალური ადმინისტრაციულ-სამართლებრივი აქტი მაგისტრანტობის კანდიდატთა მიერ დამატებით წარმოსადგენი დოკუმენტაციის, საგამოცდო და სააპელაციო პერიოდის და ადგილმდებარეობის შესახებ, ხოლო, 30 აგვისტოს ჩათვლით - მიმღები კომისიების, საპრეტენზიო საბჭოების და სხვა დამატებითი პირობების შესახებ;

6. დაუშვებელია მე-5 პუნქტში მითითებული საპრეტენზიო საბჭოები შედგებოდეს იმ პირებისგან, რომლებსაც მონაწილეობა აქვთ მიღებული მაგისტრანტობის კანდიდატთა შეფასებაში;

7. ფაკულტეტებს/სკოლას და საზოგადოებასთან ურთიერთობის სამსახურს დაევალოთ, განათავსონ დეტალური ინფორმაცია შიდასაუნივერსიტეტო გამოცდების თარიღის, ადგილმდებარეობისა და სხვა დამატებითი პირობების შესახებ უნივერსიტეტის ვებგვერდზე, ეტაპობრივად, არაუგვიანეს 2 სექტემბრის ჩათვლით, ფაკულტეტის/სკოლის დეკანის ბრძანებით განსაზღვრული ვადების გათვალისწინებით.

8. 2024-2025 სასწავლო წლის შემოდგომის სემესტრისათვის ილიას სახელმწიფო უნივერსიტეტში სამაგისტრო საფეხურზე სწავლის გაგრძელების მსურველი, მაგისტრანტობის კანდიდატებისათვის, რომლებიც გაივლიან რეგისტრაციას, საგამოცდო და სააპელაციო პერიოდი განისაზღვროს 2 სექტემბრიდან 13 სექტემბრის ჩათვლით, ფაკულტეტის/სკოლის დეკანის ბრძანებით განსაზღვრული ვადების გათვალისწინებით.

9. ილიას სახელმწიფო უნივერსიტეტის ფაკულტეტებს/სკოლას დაევალოთ, არაუგვიანეს 2024 წლის 13 სექტემბერს, უნივერსიტეტის ვებ გვერდზე ერთი თვის ვადით (13 ოქტომბრის ჩათვლით) განათავსების მიზნით, მიაწოდონ საზოგადოებასთან ურთიერთობის სამსახურს გამოცდებავალილ მაგისტრანტობის კანდიდატთა შეფასებები - აპელაციის შედეგების გათვალისწინებით, მხოლოდ მაგისტრანტობის კანდიდატთათვის რეგისტრაციის დროს მინიჭებული კოდის, შეფასების, ფაკულტეტის/სკოლის და პროგრამის მითითებით;

10. იმ მაგისტრანტობის კანდიდატებთან ხელშეკრულების გაფორმება, რომლებმაც წარმატებით ჩააბარეს საერთო სამაგისტრო და შიდასაუნივერსიტეტო გამოცდები და რეიტინგული სიის მიხედვით მოიპოვეს ილიას სახელმწიფო უნივერსიტეტში სამაგისტრო პროგრამაზე სწავლის გაგრძელების უფლება, დასრულდეს არაუგვიანეს 18 სექტემბერს, ფაკულტეტების/სკოლის მიერ წინასწარ განსაზღვრულ დროსა და სივრცეში, ფაკულტეტის/სკოლის დეკანის ბრძანებით განსაზღვრული ვადების გათვალისწინებით;

11. მაგისტრანტობის კანდიდატმა ხელშეკრულების გასაფორმებლად უნდა წარმოადგინოს რეგისტრაციის ბაზაში ატვირთული ყველა დოკუმენტი და დამატებით ქვემოთჩამოთვლილი დოკუმენტები, ასევე, თან უნდა იქონიოს პირადობის დამადასტურებელი დოკუმენტის ორიგინალი (უცხო ქვეყნის მოქალაქის შემთხვევაში პირადობის დამადასტურებელი დოკუმენტის სანოტარო წესით დამოწმებული თარგმანი):

ა) უმაღლესი განათლების დამადასტურებელი დოკუმენტის - დიპლომის სანოტარო წესით დამოწმებული ასლი. უცხოეთში მიღებული უმაღლესი განათლების შემთხვევაში - განათლების ხარისხის განვითარების ეროვნული ცენტრის მიერ გაცემული განათლების აღიარების დოკუმენტი.

ბ) მაგისტრანტობის კანდიდატმა, რომელსაც უმაღლეს საგანმანათლებლო დაწესებულებაში ჩარიცხვის მომენტისათვის არ გააჩნია კანონმდებლობით დადგენილი წესით აღიარებული აკადემიური უმაღლესი განათლების დამადასტურებელი დოკუმენტი - დიპლომი, უნდა წარმოადგინოს უმაღლესი საგანმანათლებლო დაწესებულების მიერ ბაკალავრის აკადემიური ხარისხის მინიჭების თაობაზე გაცემული ცნობა, სადაც მითითებულ უნდა იყოს კვალიფიკაციის მინიჭების შესახებ გადაწყვეტილების (ოქმის) ნომერი და თარიღი, იმ პირობით, რომ ჩარიცხვიდან ერთი სემესტრის დასრულებამდე წარმოადგენს კანონმდებლობით დადგენილი წესით აღიარებულ აკადემიური უმაღლესი განათლების დამადასტურებელ დოკუმენტს - დიპლომს;

გ) ხელშეკრულებაზე ხელმოწერის მიზნით საბუთების მინდობილი პირის მიერ წარმოდგენის შემთხვევაში, მინდობილმა პირმა უნდა წარმოადგინოს სანოტარო წესით გაფორმებული მინდობილობა;

დ) ფაკულტეტების/სკოლის მოთხოვნის შემთხვევაში სსიპ განათლების ხარისხის განვითარების ეროვნული ცენტრის მიერ გაცემული საგანმანათლებლო დოკუმენტის ნამდვილობის დადასტურების დოკუმენტი;

ე) 1 ცალი ფოტოსურათი ზომით 3X4.

ვ) სამხედრო აღრიცხვაზე ყოფნის დამადასტურებელი დოკუმენტი (მხოლოდ საქართველოს მოქალაქე ვაჟებისთვის);

12. იმ შემთხვევაში თუ მაგისტრანტი ამ ბრძანების მე-11 პუნქტის „ბ“ ქვეპუნქტით დადგენილ ვადაში არ წარმოადგენს კანონმდებლობით დადგენილი წესით აღიარებულ აკადემიური უმაღლესი განათლების დამადასტურებელ დოკუმენტს - დიპლომს, მისი ჩარიცხვის შესახებ ბრძანება გამოცხადდება ძალადაკარგულად.

13. ფაკულტეტებს/სკოლას დაევალოთ ხელშეკრულების გაფორმების უზრუნველყოფა მხოლოდ იმ მაგისტრანტობის კანდიდატებთან, რომლებმაც წარმატებით ჩააბარეს საერთო სამაგისტრო და შიდასაუნივერსიტეტო გამოცდები, მოიპოვეს ილიას სახელმწიფო უნივერსიტეტის სამაგისტრო საფეხურზე სწავლის გაგრძელების უფლება და წარმოადგინეს ამ ბრძანების მე-11 პუნქტით გათვალისწინებული დოკუმენტაცია;

14. ფაკულტეტებს/სკოლას დაევალოთ შესაბამისი ოთახის გამოყოფა მაგისტრატურის საფეხურზე სწავლის გაგრძელების მსურველი მაგისტრანტობის კანდიდატებისათვის გამოცდის ჩასატარებლად და მაგისტრანტობის კანდიდატებთან ხელშეკრულების გასაფორმებლად;

15. ფაკულტეტებს/სკოლას და საზოგადოებასთან ურთიერთობის სამსახურს დაევალოთ, ამ ბრძანების მე-14 პუნქტში მითითებული ინფორმაცია განათავსონ უნივერსიტეტის ვებგვერდზე;

16. ფაკულტეტებს/სკოლას დაევალოთ, ამ ბრძანების მე-14 პუნქტში მითითებული ოთახის შესახებ ინფორმაცია მიაწოდონ კანცელარიას, საზოგადოებასთან ურთიერთობის სამსახურს, მატერიალური რესურსების სამსახურს და დაცვისა და უსაფრთხოების სამსახურს;

17. მაგისტრანტობის ის კანდიდატები, რომლებიც ამ ბრძანებით დადგენილ ვადაში არ გამოცხადდებიან უნივერსიტეტში, არ გაივლიან რეგისტრაციას და არ გააფორმებენ ხელშეკრულებას, კარგავენ უნივერსიტეტში ჩარიცხვის უფლებას, გარდა საქართველოს კანონმდებლობით გათვალისწინებული შემთხვევებისა;

18. ფაკულტეტებს/სკოლას დაევალოთ, უნივერსიტეტის რექტორს 2024 წლის 18 სექტემბრის ჩათვლით წარუდგინონ იმ მაგისტრანტობის კანდიდატთა სია, ვინც გააფორმა უნივერსიტეტთან ხელშეკრულება და მათი კოეფიციენტებით რანჟირების დოკუმენტი;

19. ფაკულტეტებს/სკოლას დაევალოთ, უზრუნველყონ ამ ბრძანების მე-9 პუნქტით განსაზღვრული ვადის გასვლის თაობაზე ინფორმაციის მიწოდება საზოგადოებასთან ურთიერთობის სამსახურისა და საინფორმაციო ტექნოლოგიების სამსახურისთვის, ამავე პუნქტში მითითებული ინფორმაციის ვებგვერდიდან აღების უზრუნველყოფის მიზნით იმგვარად, რომ ის აღარ იყოს ხელმისაწვდომი ინტერნეტ სივრცეში 2024 წლის 14 ოქტომბრიდან;

20. საჭიროების შემთხვევაში, უნივერსიტეტში შაბათ-კვირა გამოცხადდეს სამუშაო დღეებად;

21. ამ ბრძანების შესრულებაზე პასუხისმგებლობა დაეკისროს ფაკულტეტების/სკოლის დეკანებს;

22. ფაკულტეტებს/სკოლას და უნივერსიტეტის საზოგადოებასთან ურთიერთობის სამსახურს დაევალოთ ამ ბრძანების გამოქვეყნება უნივერსიტეტის ვებ-გვერდზე და ამ ბრძანებაში მითითებული ინფორმაციის გაცნობა დაინტერესებულ პირთათვის;

23. არგუსის კოორდინატორს ცენტრალურ დონეზე დაევალოს ამ ბრძანებაში მითითებული ინფორმაციის მიწოდება სტუდენტებისათვის სასწავლო პროცესის მართვის ელექტრონულ სისტემა „არგუსი“-ს საშუალებით;

24. უნივერსიტეტის კანცელარიას დაევალოს, მიაწოდოს ამ ბრძანების ასლები ფაკულტეტებს/სკოლას, რექტორის აპარატს, ადმინისტრაციის აპარატს, საზოგადოებასთან ურთიერთობის სამსახურს, ხარისხის უზრუნველყოფის სამსახურს, იურიდიულ სამსახურს, საინფორმაციო ტექნოლოგიების სამსახურს, უნივერსიტეტის კანცელარიას, ადმინისტრაციის ხელმძღვანელს, რექტორის მოადგილეს, საერთაშორისო ურთიერთობების სამსახურს, განვითარების სამსახურს, დაცვისა და უსაფრთხოების სამსახურს, ბიუჯეტირებისა და ფინანსური ანალიზის სამსახურს, საერთაშორისო სტუდენტებისა და პროგრამების მარკეტინგის სამსახურს, ბიბლიოთეკას, შემოსავლების აღრიცხვისა და ანალიზის დეპარტამენტს, მატერიალური რესურსების სამსახურს და ყველა დამხმარე ადმინისტრაციულ სტრუქტურულ ერთეულს.

ნინო დობორჯგინიძე

რექტორი

